



Fegl d'infurmaziun per midar il prenum d'in uffant minore

Premissas

Per inoltrar ina dumonda per midar il prenum d'in uffant minore ston esser ademplidas las suandantas premissas:

- domicil en il chantun Grischun;
- la mamma ed/u il bab da l'uffant è/èn titular/s da la tgira geniturala;
- existenza da motivs respectabels tenor l'art. 30 al. 1 CCS che na dastgan esser ni illegals, ni abusivs, ni cunter la morala.

Il petent è l'uffant, dal qual il prenum duai vegnir midà resp. cumplettà, e betg ils geniturs che han la tgira geniturala. Decisiv è exclusivamain il bainstar da l'uffant. Uffants ch'èn abels da giuditgar pon inoltrar sezs la dumonda. Sche quai n'è betg il cas, fan quai ils geniturs che han la tgira geniturala en num da l'uffant.

I vegn premiss che l'uffant pertutgà portia il prenum giavischà dapi almain 2 fin 3 onns e che la publicitad l'enconuschia sut quest prenum (resalvà resta il prenum uffizial che vegn duvrà en il contact uffizial) e che quai possa vegnir cumprovà cun documents.

Dumonda

La dumonda per midar il prenum sto cuntegnair ils suandants puncts:

- indicaziuns detagliadas dals motivs respectabels, tenor ils quals ina midada dal prenum vegn giavischada resp. è necessaria;
- preschentaziun dals dischavantatgs ch'il prenum uffizial actual ha;
- Dumondas per uffants a partir da 12 onns:
Decleraziun da consentiment ch'ina eventuala midada dal num che sto vegnir permessa vegnia communitgada a l'uffizi da scussiu responsabel ed a l'autorità ch'è incumbensada da manar il register penal (quai po vegnir declerà en la dumonda u cun suttascriver in formular separà, formular "Autorisaziun", vesair sut fegls d'infurmaziun)
- adressa cumpletta incl. numer da telefon sco er data e suttascripziun dals geniturs che han la tgira geniturala;
- adressa actuala dal genitur che n'ha betg la tgira geniturala (sch'ils geniturs vivan separadamain u èn divorziads).

Documents

A la dumonda per midar il prenum ston vegnir aggiuntads ils suandants documents:

- **consentiment u posiziun en scrit dal genitur che n'ha betg la gira genitoriala sco er sia adressa actuala** (sch'ils geniturs vivan separadamain u èn divorziads; el/ella po declerar ses consentiment sin la dumonda per midar il prenum);
- **consentiment resp. posiziun en scrit da l'uffant ch'è abel da giuditgar;**
- **formular "Autorisaziun" suttascrit**, per uffants a partir da 12 onns (nun che quai saja gia cuntegnì en la dumonda)
- **cumprova en scrit da la tgira genitoriala** (sch'ils geniturs vivan separadamain u èn divorziads, p.ex. copia da la sentenza da divorzi ubain conclus cun vigur legala da l'autorità per la protecziun d'uffants e da creschids);
- **documents**, dals quals resorta ch'ins enconuscha l'uffant en il sector privat gia sut il prenum giavischà (p.ex. copias dals attestats da scola u da lavur, corrispondenza, quints e.u.v.);

Uffant cun dretg da burgais svizzer:

- **original da l'attest da stadi civil**, betg pli vegl che 6 mais (d'obtegnair tar l'uffizi da stadi civil dal lieu d'origin);

Uffant da naziunalità estra:

- **original da la cumprova dal stadi civil registrà**, betg pli vegl che 6 mais (d'obtegnair tar l'uffizi da stadi civil competent da lieu da domicil, nua che l'uffant sa sto eventualmain laschar registrar ordavant en il register da stadi civil);

Entant che la procedura è pendent, resti resalvà che ulteriurs documents ston vegnir inoltrads.

Autorità competentà

La dumonda sto vegnir suttascritta ed inoltrada – ensemen cun tut ils documents necessaris – a:

Uffizi da migraziun e da dretg civil dal Grischun
Dretg da burgais e dretg civil
Dunna H. Beglinger
Engadinstrasse 24
7001 Cuir

Infurmaziuns

Ulteriuras infurmaziuns survegnis Vus sut il numer da telefon 081 257 26 29 u per e-mail sut heidi.beglinger@afm.gr.ch